

摘藻堂四庫全書薈要

集部

欽定四庫全書薈要

集部

御製詩三集卷四十一

二

詳校官原任編修臣徐立綱



欽定四庫全書薈要卷一萬三千四百七十

集部

御製詩三集卷四十一

古今體一百二十三首

甲申七

恭奉

皇太后啓蹕幸避暑山莊作

爽颺皎日曉秋天蘭上行將試大畋敬奉

慈輿循後頓

向每日奉

慈輦逐程而進以便問

安自去歲夏月幸山莊奉

皇太后

懿旨欲同日啓程是日駐湯泉較近而後一日至山莊則程既緩而隨從諸人亦均適便朕欽遵遂以為例

爰驅清蹕啓前旂浮橋潦水收新漲彌野香風拂甫田  
歲歲塞巡觀寶穡最佳寶穡是今年

降旨免經過州縣賦十分之三詩以誌事

北巡經赤縣例免三弗取去歲及前年乃至十之五誠

以遭洊饑民艱厪心苦兩熟幸去歲

去歲麥既收秋田亦頗稔

元氣

復未覩今夏麥勝昨大田若暘雨按轡所經歷翼翼  
稷黍登場在指日審足資三鬴可以按恒例免三增惠  
汝其實賦幾何寧如遇豐廩

天恩信博濟人事終小補

午熱

午熱已駐蹕行宮樹靜柯騎

去聲

臻先繫馬馱

去聲

後未休

駝何必不衫履由來慣帽韉

行宮召見地方有司無不冠服不以炎熱失儀也

雖云覺炎熾所喜利嘉禾

曉行

趁曉策征騑衝涼欲袷衣迴思昨午燥訝似隔年違野  
水帶橋淺炊煙冒墅微由來秋後熱君子貴知幾

懷柔縣行宮停蹕

彈汗緣耀武歸化欲敷文自在網維挈寧關名字紛行  
宮纔數字停蹕迴堪欣敦樸欽

先典吾惟揚覲勤

潮河

白河過浮橋庠奚厯迤邐潮河帶城南弗渡遵其溪近  
郭列市壓枕堰非高峙緩急何所賴尋思蓋久矣謀安  
民自知寧必更張屢叶洶湧奔新漲竹箭莫喻駛昨晚

東北雷聞聲今見爾

賦得石戴古車轍

土變為石因而車跡猶存此可以闡杜詩未發之  
義遂以成詠

北征曾著句未發義猶元騫爾見車轍填如戴路邊出  
門仍自合闕古尚依然詎是石工斲尤非井溜穿灼知  
因土變用得識輪駢那有螳螂怒惟餘蜿蜒連遵茲堪  
潦避

平時驅車者皆不由此恐妨弊輪至潦行時率就此而進以石堅不致泥濘陷車也

由此視

時遷妙蘊思工部五言為

去聲注詮

要亭行宮即景

向北田愈好要亭那覺遙連朝日欣曝陣雨潦全消晚  
樹風含爽閒花露浥嬌明當出關口聞說稼尤饒

攬勝軒放歌

北河澗接南河澗谷中曉氣金風翻須臾日出高峰朗  
跋馬真是逛天門

橫嶺入雲潮河帶其下俗名南天門軒在寺傍

祇園左側有

精舍我向名之攬勝軒每來憩坐必攬勝縈青繚白羅



嶸嶸傑池夏木猶餘翠  
低蕤高葉紛繙帟九閭何必守  
虎豹夔夔為憶三閭言

出古北口作

昨夜微陰詰旦晴  
千山翠色益晶明  
今朝秋末三庚盡  
便有涼風馬上迎

雉堞依然棲絕峯  
亡秦寧可恃提封  
若無竟海巖巖者  
今日誰因笑祖龍

因山為市操

去聲

奇羸列販從來不事征

凡

關口例有稅

惟古北獨無蓋

皇祖欲加恩此  
地民至今遵以為例

百歲老人歌厚德街旁一例執香

迎

高下秋田苗總芟果然關外勝關中宜暘邇日心誠慰  
因慰翻殷懼滿衷

兩間房行宮即景

樹陰深處覺微涼脫却單衣換袷裳開戶對山如話舊  
隔林見鹿不能詳庭禽喜客殷勤語砌卉當秋自在芳  
墾種人家已滿百昔名猶說兩間房

過青石梁

石棧隆崇雲裏盤  
北來屈指最高巒  
昨朝細雨不成陣  
今日晴空迴覺寬  
過嶺東西異流水  
策驄上下一征鞍  
刻脩歲久塗臻坦  
可復誰歌行路難

口號

山北片雲霏雨山南秋宇懸曦  
比似人情無定湯言塞  
景獨奇

至喀喇河屯行宮作

一谷芄芄華黍風依山高下見行宮良農所望惟銅雀

司圉呈來總駿驄

上駟於四月間徐驅獵馬至此牧養以備行園車駕到時牽至行宮門前

呈覽亦舊例也

披霧心懷真是爽當秋意氣不期雄列藩路左

迎鑾至都說嘉禾處處同

灤陽別墅

別墅山陽復水陽蒼松叢裏到書堂受曦故是多逢熱  
延籟今番陡覺涼碧宇無雲心與淨綠坡有草鼻生香  
寒蛩唧唧吟閒砌昨歲秋聲幻即常

小金山

每至山軒必有言上懸碧宇下江翻似絃聲色縱縱地  
何處著他衆妙門

欄杆迴據玉芙蓉落落階前百尺松若與石簪論小大  
須彌棗葉早稱宗

繞階石古點莓苔山果因風落幾枝底事今朝頗覺喜  
為看一路好秋來

虬蓋亭

就松築山亭亭久松益久盤盤蓋越張矯矯虬疑走名  
象如風月蓋自太古有不盡復不竭用則隨人取獨是  
亭與松此意亦知否

至避暑山莊駐蹕成什

每歲秋臨避暑莊建云至止暑先歲去年曾一觀其妙

去歲

夏月即恭奉

皇太后駐此

夏清真稱樂以長預此清塵成例典

見前作

明當

愛日仰

康強幾閒那得饒清靜不盡吟題正待償

永佑寺瞻拜

神御作

下馬先瞻

神御宮觀揚惟切一心中砌蟲仍是向來韻庭樹又披

今度風穹塔傑碑落魏煥

是年舍利塔初落成碑以誌事

祖功

宗德並高崇幸逢秋穡將登稔待歲殷懷

昔日同

千畝山田待歲豐  
皇祖御製詩句也

### 登永佑寺舍利塔作歌

玲瓏九層塔江南則夥江北無我因南巡忽欲肖傑構  
曾倣六和報恩之塔於京都一圯一燬終弗藏厥事亦  
吟誌過之作語出於衷實非誣同時建於此者乃無恙  
鑒前轍命改築為以徐閱十年斯巍然成率堵秋巡拾  
級乃得暢意觀宏模八窓洞達琉璃道曾非枝撐蔽虧  
之處尋幽途上造天門通顯氣其下惟有青雲扶列水



咫尺細似帶塞山遙拱圍如郭豎窮萬古橫遍十方界  
到此一彈指頃皆空諸何況形家之言本誕幻區分南  
北為拘墟是塔與京師所建同時經始或因二塔適然  
中輟惑於形家南北異宜之說不知山莊更  
在京師之北又何以試看舍利光煥永佑真林閭因之  
稱記中已詳及之

詰戎馭遠懷久圖

碧峯寺

碧峯門裏碧峰寺法界慈雲此日開殿倚喬松如古刹  
階圍流水作香臺佛無色相何需爾山有清真亦幻哉

為去聲是徑尋西峪路不妨過往輒留陪

味甘書屋

書屋臨清泉可以安茶鉶取用乃不竭奚慮餅壘謂泉  
甘茶自甘那繫龍團貌展書待爾澆頗復從吾好是中  
亦有甘誰能味其調

迴溪亭

山凡一轉必迴溪溪上有亭翼若棲今日吾心頗悅豫  
不妨觸處與留題

叢碧樓

下臨無地上虛空  
拾級心將顚氣通  
若問寺樓絕勝處  
徘徊祇在碧雲叢

肩輿入西峪

肩輿入西峪  
輕雲籠日光樹下  
有微風時時送爽涼  
猶恐肩者勞數息  
審不妨秀起

堂名

雖尚遙空翠

樓名

當路旁

可以坐而憩  
况無要務忙

空翠書樓

一谷秋風衣袂涼  
飄飄空翠染山光  
浮來忽向庭陰落  
孟氏詩中得趣長

有真意軒

開我今秋窓拂我去年席  
歷歷有今昨碧空乃無迹  
刻土緣構軒土已變石  
壁雲散不覺欠雲來不覺益咄哉  
均戲論真意非語默

對畫亭

月戶團圓不藉脩  
座中何異廣寒遊  
四山飛翠雲垂脚

一谷含涼樹動頭極目總無塵可對沃心惟有靜為謀  
展來畫幘伊誰筆王氏臨平正曉秋

石渠寶笈有王  
蒙臨平曉秋圖

### 秀起堂

四圍翠合遙拖嶺中間秀起獨成堂石級高攀遂據榻  
山村望見還隔牆萬頃與翼兆稔歲一天寥朗澄秋光  
信筆書之欣所遇何須故事徵縹緗

### 振藻樓

每歲來巡必值秋千山朗日翠煙浮問誰欲繼歐陽賦

振藻應須陟此樓

張雨倣鄭虔林亭秋爽圖即用其韻

却掃清秋共澗盤  
松風隔岸拂衣寒  
漫言三絕真稱絕  
嗣響廣陵有客彈

細雨

巖雲生傍晚  
細雨灑閒庭  
落字惟知白  
藏山如護青  
久晴宜黍隴  
繼潤利蕎町  
無可無不可  
此時心暫寧

出麗正門恭迎

皇太后駕至山莊

昨宵霏細雨誠恐礙

輿行半夜全開霽歡生策馬迎

康強緣

大德遊豫

喜西成自益無疆

壽詎惟必得名

晴

宵雨曉來晴秋陽更益晶衆情欣路坦多稼待西成疊  
嶂雲端翠一蟬樹杪聲蒸炎定何礙風處有涼迎

松鶴清越二首

皇祖奉

寧壽庭前夥植松老龍鱗已作百行

孝為宗風過聲猶謖秋來翠越濃祇疑蒼蔚處定有偓  
佺逢

右松



前歲放雙鶴時時還自來秋巡今即

昔至樂約而該丹嶠彈喉響碧霄振翅迴琳輿不須駕  
王母在瑤臺

右鶴

題秋澂齋

山齋秋日坐秋景恰方澂爽氣在蘭沼霽光浮櫺陵有  
雲惟點綴無字不寬弘設問安心處玉壺都是冰

靜餘軒

動復歸有靜靜更動之初以茲相衡校端知靜有餘此  
意自古然而我名山居山居靜所會幾餘常憩諸或時  
詠新什或時讀古書皆足澄心神庸渠去聲遊空虛無逸  
曰不遑是同非異如

黃鼎秋日山居

屋非覆瓦祇誅茅黃葉邨中多古交邂逅設如遇陽叔  
韋編只問遯三爻

午熱

午熱今朝劇樹陰坐屢遷無妨延爽籟  
所喜熟山田仍換單衣好重持秋扇捐  
明當處暑節婪尾故應然

荷

嫋嫋點芳津居然七月春地高紅淅重  
露滿綠擎勻寧止鳧忘去還饒鹿欲親  
塞中君子者疑是姓蘇人

泛舟即景四首

去歲淤泥大剗治新秋活水滿清池  
輕舟訝似行於鏡凡事因思在豫為

錦雲叢裏衆香醺，真是泉甘土亦甘。  
千葉蓮花大於斗，誰云塞北遜江南。

菰蒲淡蕩野鳬依，疑似江鄉是也非。  
舟過無心學相狎，見人故自不知飛。

西山一帶浸湖光，簇簇芙蓉波底藏。  
攀陟何須勞步履，坐遊耐可泛沙棠。

玉岑精舍

精舍意所屬，萬玉圍崔嵬。却以無多暇，三日方一來。亟

深故益靜心與化機諧是間無別物巖鹿時相陪

小滄浪室

迴廊盤石磴飛閣棲嶙峋名之小滄浪責實似不倫忽  
然山雨來滿室涼風新懸者為銀瀑渟者為玉津滄浪  
真滄浪吾將濯纓塵

湧玉亭

一杯亦稱渟一線亦稱流孰非玉為喻冷然清兩眸今  
朝恰值雨注壑勢弗留歸墟湧亭下聲色戛擊球忽然

思齊安快哉似可侔

山雨

七月廿四日

山雨欲來滿谷涼  
斜飛倏忽藏  
山光常侍肩輿方  
技癢駿奔捷走誰辭忙  
淋漓濕衣仍弗免  
巖齋未至曦放陽  
爾足詎較雲行速  
小勤可喜不可長

陸治丹楓秋色即用其韻

溪亭樹色誰為添  
寺閣鐘聲儼若聞  
却似江南秋未老  
遠峯猶見黛螺紋

治詩云野鷗飛點亂沙文細玩其意當為紋字之誤因並識卷中

夜雨

七月廿五日

邇日山中雖細雨為時弗久輒復晴屈指快霽過半月  
正需一雨滋晚耕夜半簷響落霧霏歇枕聽處衾涼生  
後車千乘率已到更無須厘漸石情但祝宜暘曝皎日  
佇待萬寶歌西成

處暑

今朝處暑節一氣遍九州豈識山莊境原無暑可留落  
雨絲絲涼披風樹樹秋昨午忽騰熱故知孤注投排日

吟詠間不覺歲月道

雨中觀瀑

隨山疏映咽瀉澗垂幡纚何時不宜觀最宜觀雨裏深  
濤與淙淙色色聲聲美接上疑有根落下復無底一合  
相清真那可以言擬

晚晴

徹日秋雨踈復密既優既渥利晚田便教入夜定何礙  
予情究願速霽焉似此求美復求善無厭欲實因農牽



申末酉初雲欲散西北風吹逐以全東山高處夕陽朗  
涼颼爽氣澄滿川巖齋點筆意為快坐對宵景星斗懸  
宜雨宜暘太如意益戒滿盈勵惕乾

頤志堂

几有箋毫架有書設論頤志莫斯如尊聞又曰行知貴  
為是檢心恐負初

清舒山館

憩館自然會舒志當秋恰值寧暇清期一天快霽與豁目

幾片閒雲不繫思  
喬樹陰中風喜拂  
好花芳處露常滋  
箇間習靜居然合  
却是吾恒鮮暇時

春好軒

春好如何好好於想像  
中每來率秋月亦自有花紅萬  
物一生意四時總化工  
定期目擊者寧不付東風

巢翠亭即景

重翠陰中一笠虛  
巖棲訝可喚巢居  
斯之絜矩未能信  
風俗何曾太古如

嘉樹軒

就樹構虛軒樹古軒亦然就軒將種樹樹長知何年事  
半得功倍規摩貴通權塞風未振落綠陰猶團團偶來  
坐匡牀爽氣澄秋鮮觸目有會心攬筆命華篇

曉

五更覺衾寒窓影猶未明假寐復醒來庭樹禽送聲  
昗旋大朗東山朱鳥騰晨嵐落峭涼棉衣渾恰勝閣本  
間兩朝限於置郵程勅幾則無間况有日奏呈

閣本例  
隔兩日

馳至而各處驛遞奏摺及行在軍機辦理之事原無間日也

雖云偃軍旅方將籌牧

耕問政敢懈心協時彌厯情

即景

每愛棉衣禦曉寒午暄圖爽重

去聲

更單寒暄無定原有

定催熟山田萬寶攢

招涼榭

午熱復覺熾言憩招涼榭便自清風來副名信堪訝西  
峯本無縫喬樹則有罅延颼而蔽曦妙境奪造化然予

引餘思嬪代弗相假即看颯颯秋已謝炎炎夏奚用更  
招涼且此欣宜稼

食蔗居

山莊居數日食蔗此初來一以暇少耳一以成久哉喜  
新吾猶然厭舊人莫咤如言幽實幽能不片晌陪

小許菴

兩間巖屋可稱菴虛受朝霞與夕嵐設向南華齊小大  
須彌棗葉亦間談

倚翠亭

一閒亭窈窕數仞壁嶙峋倚處若無地翠中寧有垠窓  
虛重去聲來凭廊轉適堪循畫裏伊誰格王家荷葉皴

塞樹

塞樹常自茁本不畏霜雪築塙為山園斯有賴培活去  
歲見林稀申命護萌蘖譬彼十圍木始生未條達足可  
搔而絕手可擢而拔林丞奉行善枿芽都識別平野及  
高岡簇簇荆標設既免鹿蹂躪那慮人拗折十年計堪

指千章望無缺是謂因地利何煩用力劬育材得良方  
寧弗心生悅棧樸詠周詩輒復慚矩絜

靜含太古山房

太古以來山築房含以靜孰古抑孰今房用無言領我  
心亦如之小坐趣為永巖風送爽至欣披真即景

不遮山樓

山樓倚巘出青霞凸態凹姿總不遮獨有當窓一枝好  
天然小幅展倪家

趣亭

十笏未為廣四時寧有窮  
延來總佳景妙處是天工  
秋葉尚餘綠山花亦作紅  
如詢趣所得不在色形中

八月朔日作

四野纖雲淨一天爽氣浮  
星虛當半夜日納識中秋  
退暑人心愜毳毛獸色柔  
木蘭行已近慶節為遲留

過武列水詣溥仁寺瞻禮

武列潦全退柴橋宛易楮  
過河路非遠策馬意為怡  
香



界梵聲出寥天霽色披早梁有穫者按轡看移時

賦得澹泊敬誠

處處瞻

奎藻殷殷仰

聖情標言澹以泊繼曰敬子誠明志由斯要持心在合

并居存守良矧煩擾去弘營

易正義序不煩  
不擾澹泊不失

無欲函三

契有為得一貞

堯茨垂永煥

虞典溯惟精

翦鶴三首

翦鶴翩翩掠過軒不低還復不高騫分明自適雲山樂  
亦自未忘梁稻恩

山城飛出又飛來大異籠中大快哉一舉吾因獲兩得  
何曾少却羽仙陪

養成羽翼那長往祇繞山莊鳴夏然不是東坡遊赤壁  
揖予宛遇鶴衣仙

澄觀齋

萬物到秋澄巖齋名獨稱水清必見底雲皴若無朋目  
不礙空寄心惟與靜凝覓觀竟難得何處問南能

翠雲巖口號

曰已雲間亦有雲綠縈青邏尚縝紛數聲山鳥非絲竹  
疑是八琅空際聞

水月精舍

水本月所生月復水中含精舍據巖標得一還兼三我

來每值畫清華曾未覩咄哉循色相了無契理談

綠雲樓

小樓峭崖巔崖高樓益迴上下一綠間恰似雲垂影拂  
雨雅宜晴含風亦惟靜鹿蹤暎日迷鶴聲依露警開窓  
因展書趣在羲皇境

千尺雪

午炎火迫塞田黃都喜今年秋信長設使謁來千尺雪  
定知飽沃洗心涼

顧渚烹泉成例事越甌犀液早擎來尚茶不誤斯為喜  
火候安知文武哉

寒山鼻祖塞山同猶憶吳人體物工若以來源雲外計  
便教倍萬也難窮

題寧靜齋

山以靜為德復以寧為體書齋倚碧山稱去聲名固其理

庭餘綠樹圍砌有秋花美金風玉露間致遠惟清綺稱

平聲孔殊近哉寧靜以致遠孔明之語也坐可觀無始

玉琴軒

水曲復山深文軒號玉琴非桐曾出爨是璞定藏琳魚  
泳宛知樂禽鳴每和去聲音奚愁聲撥刺萬古響秋金

山田

山田將及熟偏喜午暄催已有腰鎌出行看踏碓開若  
暘成大穗時雨免汙萊薄賦還逢稔吾民庶慰哉

稚松

稚松得地放新枝老幹凌雲定可期自喜栽培出豐蔀

去年猶記雨中移

金廷標羣嬰撲棗圖

八月珠丸可剥辰羣嬰撲取曲池濱  
却看晚芰猶舒艷那許交梨獨擅珍  
挈袂收來神特雋擎盤承處態如真  
何須肥瘦較兄弟總是其間能讓人

敞晴齋

傍晚嵐氣爽策馬聊山行遂造山中齋  
其名曰敞晴一天朗霽煙千里近虛楹  
低谷色已暝高峯照猶晶所得

殊勝常真足欣予情情欣詎在茲多稼將西成

繪韻樓

小小山樓繞兩間千巖萬壑座中攀畫家妙訣無多子  
一字曰惟於韻閑

清綺書屋

山房不在多高下即殊致捲幔迴延眺據榻靜澄思秋  
花紛綺錯秋意惟清寄小憩夕照明涼靄落巖翠含青  
齋隔谷還可跋遊騎



策馬至含青齋

隔谷巖齋路不遙  
乘閒遂與款松寮  
誰知攬景忽逾歲  
且是駐莊已十朝  
此最佳寧當憩  
置縱無語亦解相邀  
萬年松下脂成珀  
聞說偓佺曾遺去聲堯

挹秀書屋

逐處山房可貯書  
貯書為問意何如  
寧須富詡三萬軸  
無逸一篇已愧予

松霞室

彭澤先生徑華陽隱士家居安彼皆合寓意我聊嘉夕  
照何妨添朝嵐故與斜便宜斯室者四季蔚青霞

紅葉

紅葉奚曾定待霜數枝早自爛晴陽塞山殊勝於何見  
火迫秋光是所長

降旨免甘肅鞏昌等府本年正賦詩以紀事

甘肅乃窮邊地瘠民亦貧方當軍行時未免供應頻歷  
年寬正賦損上義經云邇年大功成役罷興耕酌秋稅

以例輸踐土義所遵今夏忽缺雨數郡旱象臻西望為  
民傷艱亨胡易屯方伯及有司善撫命屢申賑濟毋或  
遺俾無溝壑淪蠲糧有定例被灾按數分念此惻獨哀  
破例與豁均庶幾追催科閭閻鮮吏人相將種秋麥以  
待接明春

夜雨

八月初  
四日

欹枕聞簷響雨零夜未央那乖十日節恰送滿齋涼  
坂花滿白黍岡穗沃黃明朝晴益好宜潤不宜長

午晴

曉煙猶覺戀秋空  
卓午飛來西北風  
幾縷輕雲隨泮散  
一天皜日喜晴烘  
曰蕎曰米晚田潤  
時雨時暘造化工  
眼見康年歌玉塞  
繾懷關內可相同

半月池

沙溪易映咽歲久賴疏治  
一以漲潦容一以灌輪資  
昨夏駐山莊書長多暇時  
剔髮去淤壅成此半月池  
今來益澄泓巖風落漣漪  
飲鹿喜羣友樂魚育鯉鯽  
玉輪方

上弦相映清光披

釣魚戲題

野水蒼烟曲岸濱持竿意不在求鱗了知跼餌勞勞者  
人匪釣魚魚釣人

永恬居

駐久方言至居真委宛藏憑窓思昔景開牖納山光蛩  
有殷勤韻花惟自在香永恬垂

聖訓甄性那宜忘

素尚齋

書齋猶在上便與步丹梯悅志延新趣欽心仰

昔題泉聲銀鑿落樹影綠玻瓈高巔夕陽好看時旋旋  
去聲低

肩輿

肩輿徐復向西尋衣漸生涼山漸深不是遊懷太酣放

情知創得

齋名

待予吟

題創得齋

石門重此步清秋齋室猶然峰上頭庭際松排若張蓋  
階前雲布訝乘舟愛山不盡供詩料樂水惟清與性投  
一晌徘徊旋復去祇饒粉壁又題留

枕碧樓

一碧憑萬頃是樓非岳陽霜前色猶重風裏意含涼灑  
帶秋霖潤晶翻夕照光山田縱遙目却喜有雲黃

夕佳樓即景

今日登樓正及時千山佳氣映鬚眉破除思慮歸澄照

五柳先生不我欺

過嶺遂至水月庵

一障隔東西陟高易降低因乘功倍局遂步熟由蹊石  
棧曾非遠竺庵宛若溪夕陽別嶺上滿谷晚涼淒

襍言

西峯夕照漸漸低東峰夕照漸漸高淺澗流水聲激越  
深澗流水聲藏韜無心即鹿近偏狎有心即鹿遠已跳  
山中所得率如此萬物皆備於我矣



新月

竅喜中秋月年年見塞山片雲淨碧宇斜漢露新彎桂  
影婆娑外蟾光醞釀間嵐寒落湖水遊舫繫須間

秋英

秋英本竅幽塞中幽更美如彼巖壑間處之以君子各  
種無不具繞砌舒寒蕊翻風鬱金黃浥露琅玕紫遊鹿  
尚忘去稚蜂自應止觸目已澄神何必膽瓶裏便擬贈  
以言還當戒其綺

題董邦達山水畫

高嶺隆崇下有溪林煙杳靄望中迷天然枉轡郊端杜  
為問何人此隱棲

右煙磴寒林

山莊展畫乃漁莊野水平橋帶草堂不是無端作生面  
應緣熟處未能忘

右漁莊野釣

山行即景四首

茂林之下常停步曲澗其間足洗心試問山莊絕勝處  
解能物物效深沈

一片浮雲蔽日光紗衣頓覺滿山涼須臾雲過原蒸熱  
無定寒暄自有常

雨過山蹊蹤印鹿秋薰花氣翅迷蜂翠微深處筭頭似  
定有廣成驀地逢

谷惟溫藉連天靜峯益清超拔地奇祇惜唐人鮮到此  
曾誰留得一章詩

荷露烹茶

花草皆浥露不如擎以荷荷露是處美美莫山莊過塞  
天蒸沆瀣顆顆珠光摩取之既不盡用之不竭多與茶  
投氣味煮鼎雲成窠清華沁心神安藉金盤他

御製詩三集卷四十一

欽定四庫全書薈要卷一萬三千四百七十一

集部

御製詩三集卷四十二

古今體一百十五首

甲申八

賦得坦坦蕩蕩

延樓臨城墻可見山田及閭閻况

皇祖御額懸於正中敬賦五言用詔千禩

履卦幽人吉箕疇王道崇四言標合撰萬古示

深衷識矣其君子廓然惟大公對時八節序應物七情

同煙火隨民便山田待歲豐

二語槩括  
祖御書樓中聯句

皇翹瞻仰

雲日祖述念何窮

### 登綺望樓

樓稱綺望目堪窮詎在松青與柏紅  
城俯閭閻計安永田芄禾黍為祈中  
火煙部屋年年庶雞犬山村處處通  
今日登臨真有喜勝常萬寶逮歌豐

### 瑩心堂

萬機惟一心堯典曰明欽璧以旃摩鏡猶之模範金虛

堂池上靜秋水面前臨翹首瞻

奎畫

聖人詔我深

題宿雲簷

時零夜雨便朝晴於潤於暄總愜情似此宿雲真大當  
既叨寶惠任循名

學古堂

山靜曾聞太古如書堂又貯古來書千秋興廢明昭彼

兩字憂勤益切予敢曰遊觀斯樂亟亦惟仁智寓幾餘  
說言原在務時敏訓注寧誇蟲與魚

再題敞晴齋

夜雨必朝晴敞齋真暢情霽煙幻峯嶺爽籟舞榛荆庭  
鶴飛還落石泉響處明晚歸那須燭新月正相迎

繪韻樓

開著樓窓納萬山丹青妙處豈人間試看氣韻含生動

筆法羞他王

蒙

與闕

全



碧靜堂

借問山深趣山深靜有餘  
九霄懸碧照萬慮盡空諸側  
牖窺蒼鹿倒泉飛錦魚夕陽片時落幻作紫金蕖

靜賞室

言靜莫過周易著詮曰有濂溪乾坤易簡合撰形神善  
惡斯齊樂水樂山仁智秋風秋月端倪造物四時無盡  
餘閒惟古與稽

題陳書長松圖

壁畫長松三百年

見畫中  
自識語

真松窗外綠參天兩翁不識

誰兄弟照影疑如立鏡前

桂

氣暖花遲放粟胎纔漸黃依然江國候誰曰塞山涼雅  
愛扶疎格惟思道路長蟾宮原有約應節自芬芳

體物

春花暖則開秋花寒則放得氣異金木物物與无妄待  
暖易為煦禁寒艱相入聲抗以此衡厥品春較秋應讓魏

徵猶娥媚董宣特強項<sup>叶</sup>花有人豈無摘詞寫其狀

晚荷

蓋張徽玉露衣振拂金風飛韻涼雲表揚猗塞浦中何  
當仲秋月翻看十分紅臺訝思仙上淮南見八公

千山

千山秋未深曦光颺明翠散步入叢樾谷覓越佳致本  
因即鹿來翻似友鹿至重華厯下居東坡赤壁位沛然  
實所欽洒然亦所愧我非煙霞人意愛煙霞寄

再題秀起堂

一逕翠中分山堂迴出羣何當坐九夏無事讀三墳  
土已成石噓煙便作雲忽看盆桂設去歲此清芬

經畬書屋

古帙清秋宛可親優游饜飫靜無塵忽然欲問經畬者  
誰是不徇名利人

靜練溪樓

昨夜秋空纔過雨今朝山閣下成溪恰如練影知看待

觸興能無一再題

罨畫窓

凌虛書屋枕崇巖畫意當窓無盡觀今日居然欣覩見  
岩堯穹塔綠雲端

山心精舍

四鄰青障護一逕白雲穿精舍花宮側虛窓月宇懸種  
松期合抱放鶴任昂肩憩坐觀元化錘峯正面前

松壑間樓

山抱偏欣水復環  
清秋為我闢林關  
坐來底覺衣襟颯  
樓在長松大壑間

餅貯桂枝荷朶恭進

皇太后并為圖以紀其事

底識山莊駐景長  
荷花紅映桂花黃  
亞筍香色都清淨  
益簣先應獻

壽康

熱

仲秋如仲夏候長向所無黃雲禾穗登白雪蕎花鋪單  
衣卓午更嘉蔭披風殊早晚原爽涼何礙清遊娛似此  
太如願得毋心放乎子興善言學曰收一字模

氣候

氣候自南北其言將無然子年十一二仲秋必木蘭其  
時鹿已啣皮衣冒雪寒及廿一二際依例往塞山鹿期  
已覺早高峯雪偶觀今五十三四山莊駐蹕便哨鹿待  
季秋否則弗鳴焉大都廿年中暖必以漸遷語罷自復

疑得半非得全此固宇宙來所有山與川太古至今日  
不知幾魄淵審如向所云暖過北溟壖邵子天津橋怪  
語非正詮或者人煙輳以致默轉旋協時將育物不息  
惟惕乾

中秋夕走筆成什

輕陰通晚忽開晴月與中秋太有情乍上錘峰猶隱現  
旋臨釣宇大光明萬家鐙火今宵盛小部笙歌舊例呈  
如此清涼如此節可能憇爾置吟評



題王蒙長松飛瀑

玲瓏山吐高低瀑，磊落松翻上下風。生面愛他引奇句，

底須真蹟定王蒙。

圖中飛泉出壁穴中，雖別具生面，宛不似大家合作筆法，亦覺微嫩，恐非

山樵真蹟

因并識之

細雨

八月十六日

細雨有聲不見絲，千林惟覺潤含滋。旬餘快霽資收穫，  
蔬圃欣茲又及時。

清風

迎面吹來濕且涼  
泠泠淅淅颺煙光  
茂林避雨權教坐  
解送山花一段香

再題空翠書樓

書樓曾是不恒來  
來亦何嘗坐久陪  
今日無端消半刻  
秋霖有意博吟裁  
迎襟颺爽掀簾入  
謀目溟濛共牖開  
得句肩輿原即去  
於凡淹繫底為哉

對畫亭口號

疎不嫌稀密不遮  
玻璃虛朗勝窓紗  
今朝竭爾逢秋雨

畫意從新換米家

半月湖

倒壁影青螺名應藉玉娥汀蒲尚惹翠岸柳自婆娑飲  
鹿來蹤夥遊魚樂趣多列谿山水發不月湧金波

去聲

晴

昨朝徹日雨忽密忽疎霏侵曉驅雲散蠲炎送爽歸農  
夫將穫稼獵騎速行圍豈不欣時若怵哉盛滿機

詠古

呂氏著春秋其言頗近理出車入則輦伯慶機由此枚  
乘作七發猶不失斯旨高誘何務奇翻謂乘謬鄙慶機  
訓門內曾未聞經史既曰出與入豈門內而已伯為癡

駭貌慶逆疾同痿乘辭實證言佚誘注未精揣

按枚乘七發出與入

輦命曰慶痿之機正引呂氏春秋取務以自佚之指為  
楚太子下砭而高誘好奇改注乃以慶機訓門內之位  
其說於經籍既無可据而所稱宮中游翔於出入云云  
尤極矛盾即謂乘改呂氏伯慶之機為慶痿之機文似  
小變然攷伯字集韻曰固滯貌說文曰癡貌讀如駭而  
呂氏原書又有處足為慶為痿之語不惟於義無闕抑  
且於文允符誘強作曉事恐貽誤方來不可以  
不辨而李善輩收入選註亦可謂失精核矣

山中恒

步行蓋欲自砭耳懷古詠其事文固難言矣

登四面雲山亭子

到來彌月始言登曰不踈慵信孰憑半為少閒半艱詠  
因他地占最高層

縱目朗然更肆然萬山高下拱階前凌空颯沓天風落  
疑是廣寒奏管絃

秋宇寥蕭秋日晶秋雲片片逐風行今朝一踐秋山約  
萬樹當秋自賦聲

啓蹕明當往木蘭索酬吟興陟崇巒笑他玉局非精詣  
高處瓊樓何礙寒

嘲鶴

鶴翼已長成翔翥皆由已朝騰山城外暮宿山城裏如  
此清涼境信足安汝止而何意忽遷竟自忘歸矣啄粟  
山田間夜遇守田子捕捉將來獻鶴頰愧有泚因憶昌  
黎言歆羨古之士或於周不可秦楚可之仕彼其熱中  
流尚識去無地

叶吐哉青田姿胡乃昧此理

留京王大臣奏報得雨並秋成豐稔詩以誌慰

自春徂夏逮新秋時若情知將稔收未及登場尚繼念

近作有眼見康年歌玉塞  
繼懷關內可相同之句

乍披奏牘喜盈眸橫陳糧價

皆稱減

王大臣及府尹奏到各種糧價單較核  
上月每石自減一錢至二錢五分不等

迴憶心

期幸已酬嘉霑更欣霑五寸翻犁尤利種冬甍

熱河啓蹕往木蘭作

雨過沙溪潦水收川原銍艾喜迎眸興飛捺鉢初排駕  
願愜甌窶幸滿篝守吏分疆遞來接村民生計自為謀

輕於什一山田賦莫慢催科事苦求

輕陰

輕陰忽送一川涼雲過旋披暖異常近墅菜蔬葉茂綠

遍山禾黍穗垂黃虞人殫虎村民喜

濟雨哈朗圖旁近山勢峭複有虎傷

犬豕及人前驅連斃其二一尤大前掌側公村民言向所見蹤良是巨害永除莫不稱快

春種驅牛

秋穫償誰曰塞菟特行樂幾多農務藉諮詳

阿穆呼朗圖行宮作

一由旬里路非遙滿谷秋田倍覺饒數字軒庭頗足憩



千廬竿幟各為招石泉陡澗銀拖界霽景峽峰翠落標  
甌研適當神謐處閒來摘句亦清超

進伊瑪圖口行圍即事

今歲應西進溯源伊瑪圖雖云小獵試

初進圍場交界與其就道間行

遂命小試獵騎

即是大蒐模駿馬天山換

於烏梁海買駿馬至即於圍中試射

蒼

鷹曠野呼馳麾斃一矢差不負彎弧

是地尚近村莊獸殊少適有一鹿馳

至發矢斃之

八月廿六日蒙古王公等獻宴即席得句

資生四種既繁稠

蒙古以馬駝牛羊四種為資生之具

更喜谷間稼稔收

內扎薩克今亦大半種藝并招致農民收田租之利矣

朋酒稱觥遵往歲霽雲覆

幕譙中秋千山錦繡高低疊一水笙簧宛轉流綽爾齊

終蒙古彈火不思吹茄奏曲謂之綽爾齊

觀灑馬

即詐馬俗謂之騎達驛

古風偏愛

以時修

霜

八月廿九日

秋暄連北哨青女始行霜亦不須鴻信本無礙雁行

謂獵

騎佈圍也欣催鹿期到

鹿必待霜降天涼而後答鳴

初覺繭衣涼續事誠

後素千林錦旋去聲張

古長城

延袤古長城東西數萬里其說出蒙古克勒木迤邐

蒙古

語謂城牆為克勒木

漢書稱龍堆彷彿疑即此蜿蜒走山川見田

豈謬擬向曾為之記淺言抉深理天地自然生南北限以是設云人力為早應就墮圯然今果限誰內外一家矣

重九日作

詰旦

仙廬侍膳迴芳筵重九列藩陪恰欣紅葉迎霜染漫惜

黃花背卽開嶺峙巴顏秋富麗

蒙古語巴顏謂富西嶺之名卽明日獵場峯

圍哈納石崔嵬

蒙古包圍牆謂哈納是峯似之故得名駐營卽在峯下

欲詢千古

登高客誰到興安頂上來

暖

興安草猶綠細毳獵中原曉祇輕霜點午常暖日溫鹿

聲雖遲

去聲待也

冷馬牧實資暄

暄則草綠而肥宜牧馬

南望耕桑地

宜農不待言

雨

九月十日  
二日

木蘭九月雨秋暖實殊常萬嶺迷煙意千林翻濕光佈  
圍難更罷閑獵審何妨片刻風雲捲晴生滿谷涼

柳條邊

盛京柳條邊木蘭建一致彼乃亘界設此惟據要置所  
以限內外事殊實同意周遮禽獸山匪牟耕桑地麋鹿

弇誠甚雉兔往斯愧

孟子斥齊國曰為弇稱文園曰同  
民其辭皆已甚而害意木蘭原有

盜獸之罪重亦不過發遣豈有如殺人之罪之理然誠使雉兔芻蕘者羣往而不禁則民將爭占相攻久而雉兔芻蕘之地且不可得矣

獵罷出崖口柳條尚餘翠守

吏邊外迎

出柳條邊則掃除皆地方有司董之非園場章京之事矣

孰不遵茲制猶

然上古風示此結繩治

出哨

出哨歷山田納稼率已畢町疇圃場間崇墉積一律往歲霜降早晚蕎或致失今歲霜降遲收蕎倍堅實隴蜀望全副索綯葺廬室不飢自鮮盜村村樂寧謐椎髻蓬

頭輩迎蹕里門出爾我誠何脩幸茲遇豐吉

瓦雀

瓦雀信何謂其性依屋居有屋處有雀無屋雀亦無萬  
物具性靈易簡成中孚夢醒尚昧爽啼啁窓前呼始悟  
宿行宮曉景非羶廬

迴蹕至避暑山莊作

乘時大獼木蘭迴三日仙莊擬暫陪

擬於此駐蹕  
三日憩衆

彌月

看他纔眼瞥百年例此得心開樹餘綠葉因山暖菊有

黃華傍砌栽  
靄靄明窓上  
曦影箇中依舊引吟裁

晚桂

山莊仍有桂花黃  
今歲餘暄迴異常  
曾見中秋微吐粟  
為去聲婪迴蹕久舒芳  
色惟卉裏元吉色  
香是風前勝妙香  
不識江南似茲否  
苑枯遲速耐評量

樂成閣

村村比櫛更崇墉  
攬景城樓喜動容  
今歲秋成真可樂  
又聞穀賤歎傷農



叢碧樓

在碧峯寺

松梢遙見刹竿雙，寺後書樓樸且龐。  
行亦不辭延遠逕，坐惟喜近向陽窓。  
葉疎林杪全呈嶺，水退崖根祇剩砵。  
猶是昨來題句處，碧雲倏為去聲絳霞降。

西峪

西峪秋深好林稀，見遠巒嫩暄稱去聲遊涉。  
颯景助清歡。

陽巘蕪餘綠，陰崖葉綴丹。凹中得屋暖，明處凭窓寬。  
題壁行將遍，攜毫亦底難。然當弭吟興，欲以待田盤。

將以迴鑒

之便往田

盤一遊

### 有真意軒

俯仰風行與水流太空落落祇清浮  
咄哉真意固如是豈在尋常色相求

### 入古北口即事

溯游潮水又迴轅萬壑羣山鎖隘門  
塞上秋猶不覺冷

關中曦故喜披溫行看綠幕連前路

往歲塞外葉落入關猶見綠樹今歲

秋暖塞外樹亦尚未凋

饒積黃埔接野村剛為吾民慶逢稔何來

穀賤有煩言

歲輔今歲秋成為數十年所罕遇而民間反有傷農之歎可見人心太不知足其何

以承

天佑

耶為之憮然

題韻松軒

在了髻山行宮內

種松將欲古形呈十載光陰瞥眼征

未至此者蓋十閱歲矣

迴異

尋常聽謬籟田盤想此遞先聲

自田盤西谷取道達靜寄山莊疊舊作韻

雲表遙瞻雁塔棲菟還便道又循西窠欣暖日峰頭下  
不使寒煙谷口迷翠柏丹楓皆舊識千巖萬壑待新題

十年重此邀

慈豫

癸酉秋菟返轡曾奉

皇太后至此一遊屈指

閱十年矣山路不可行輿命王公等扈

輦由

白澗行宮信宿

信宿

至靜寄山莊

安輿為

去聲

就低

雙峯寺

雲罩將尋最上層雙峰先此叩初乘闥排似二而不二

禪會非能已是能對壁何殊晤開士施檀寧為去聲允山

僧

是寺向就頽廢故舊有施檀空切山僧望之句然旋即量為修葺以復舊觀已屢有詩

敗空成

住權胥置悅可山容進步登

詠法藏寺松

法藏松最古一株滿院涼盤拏張繖蓋蒼翠逼衣裳祇  
有青天覆足教白日藏笑他摩頂樹者箇未能忘

雲罩寺

法藏步予馬雲罩猶天半有進而無退到亦可一旦調  
御夙所識依然滿月面屏營祇瞻禮奚用名言讚橫樓  
啓窓戶匡牀坐霄漢諸峰拜下風萬象供靜觀

上方寺

落落松風襟袂涼  
萬壑叢裏跋羊腸  
上方已自雲中迴  
雲罩相衡乃下方

雲椒盤下萬尋強  
山寺居然號上方  
了識名言那有定  
精廬息念領天香

駐蹕靜寄山莊作

層峰暖烘

去聲

小陽曦

時十月朔日

絕勝田盤攬結宜  
泉向冷

中飛百道山從老  
處露千姿批風抹月幾前度  
深翠濃

丹又此時今歲登樓望有喜連村納稼總如茨

題澹懷堂

澹人懷自是深山況值冬山此陟攀最愛書堂善名副  
相於斐几趺幾間天倪信覺三霄近綺換應須一例刪  
雖以逢年來問景敢忘圖易與思艱

曉

庭柯禽噪聲冬山亦已曉嵐光悅鬚眉旦氣清懷抱紙  
窓明更暄東嶺騰朱鳥信可觀希夷且遲窮窈窕閣章

適邇來擘畫晰理道

恭迎

皇太后至山莊

關中塞外有山莊處處時巡

鳳輦將養

志由來期

悅豫

高年所喜正



康強諸峰獻

壽皆堪指萬樹恒春自在芳  
今日田疇應慶幸幽人豈  
獨樂徜徉

婉孌草堂

流丹飛翠繪冬初覆草書堂可展書  
何必婉孌稱嫩景  
風人深意每興予

對瀑放歌

避暑山莊曾對瀑縱遙吾已採其源  
靜寄山莊亦有瀑

其源未可計里言貞觀遺跡瞭甲石是為小畜始入園  
園外千溪復萬澗誰能一一窮靈根落斜曲注勢莫禦  
雄排戛擊交騰奔遂至草堂擘崖出香鑪紫煙為仲昆  
抑又聞之星宿海其源乃在銀河存視此近遠更何若  
一笑擲筆皆戲論

朶山亭

芙蓉一朵萼華敷覆以簷亭十笏踰面壁片時得句返  
西來大意是同殊

半天樓

巖樓最上層駐蹕定須登眺聽於馬迴襟懷率可憑問  
山入冬淨題壁以年增石鼎茶煙細飛為雲縷凝

雨花室

盤降駢羅萬玉堆雨花之室小延陪文殊有問誠何謂  
摩詰無言已費才窓為向陽成久坐山如餉景喜頻來  
西峯日影掇掇下恰是其間得句迴

題董其昌婉孌草堂圖

懸田盤婉孌草堂中  
即因此圖而得名也

草堂婉孌原如畫又得香光印以圖怪石奔泉自今古  
那從形響辨同殊

天成寺

稚冬暖景耐遊山初地天成熟往還一水拖紳延寶筏  
兩峯排闥敞禪關鳥非問法皆吟梵僧不看經祇愛閒  
霄漢之間萬松在好乘清暇試躋攀

萬松寺

攢簇石林尋逕細遮羅松海得居幽佛無揀擇語如信

那更祇園此處投

寺樓無礙小徘徊  
藪藪天花落講臺  
遮莫開窓風便入  
好山寧可負斯來

西甘澗

萬石叢中幾架庵  
有泉於此合稱甘  
忽然欲問居庵者  
枕漱崇情可解諳

千尺雪

清遊轡轉園門入  
茗室憑溪下馬尋  
霜葉正酣今日色

石泉弗斷去年音唐寅畫又後頭晤

室中懸唐寅品茶圖

陸羽茶

須滿口斟興在寒山聽雪閣明春不久重

去聲

登臨

### 雲林石室

霜紅圍石室冬翠自雲林箇是盤之阻誠然窈以深有  
憑皆古意無處著塵心大士惟趺坐泯觀來去今

### 題唐寅品茶圖

伯虎品茶掛壁間飄蕭鬚鬢道人顏汲泉煮茗忽失笑  
笑我安能似爾閒

農樂軒

引渠種稻面開軒  
畫趣幽風目擊存  
農樂今年纔可樂  
又思班氏志中言

千相寺

峭蒨中尋路翠蒼裏見天  
到來停玉勒進步謁金田  
聞說空非相靜觀一即千  
諸峯多喜色日照暖生煙

貯清書屋

硯石居然屋裏存  
誰能移置動雲根  
貯來萬古真清氣

彷彿青牛衆妙門

愛宜居

山居在何所乃在盤之曲煙雲萬峯供丹青一窓足清風忽滿林落葉紅菽菽四時無不宜虛受隨人欲然予絜矩處應是名臣錄

秋巡迴蹕駐御園即事

秋猶年年幸木蘭昨稍紆蹕莅田盤雖然出塞緣習武以曰遊山乃取歡周度奏章虞意忽歷觀納稼為心寬



獨因兩月疎廷對明日宣看大選官

題沈周寒江垂釣圖

北方過霜降魚已不受餌南方候雖殊雪亦必冬季每  
見圖釣雪非吾所曉事過候魚弗餐其餌成虛置或云  
炎可趨化因及物類或云披蓑翁非釣魚釣意循名諒  
亦可責實終何濟

微雨

十月初十日

微雨剛逢翠蹕迴雖非待澤亦時哉多人豈用歌漸石

宿麥方欣利潤茲逾寸已嘉香濕土釀寒乍可凍含苔  
晚晴西北游遙目玉積峰尖幾疊皚

詣

暢春園問

皇太后安遂信宿駐御園即景之作

冬節還宮禁侵尋又及旬

園居順

志養駕出敬

安詢陌葉柳全落  
盆葩菊尚新  
小陽披嫩景  
窓紙正溫  
閣

蹈和堂

元氣化工氤醇風萬物欣  
王褒講德論  
曹植事神文靜  
挹筦倪趣閒披翰墨芬  
四情皆中節不敏願尊聞

張宏靈巖積雪圖

木瀆溪頭直北看  
凌空塔影古松攢  
分明歷歷曾遊處  
所異鋪峯雪色寒

仲冬御園即景

駐園仍以問

安來景氣仲冬又異哉  
水半凝冰罷舟泛日全烘  
暖愛窓陪護培如法餘  
晚菊燠養偷天得早梅  
遊目西山已生望何當  
積素畫屏開

得趣書屋

書齋號得趣藉問趣若何  
春階茸芳草夏池馥淨荷  
月竹秋玲瓏雪樹冬婆娑  
四時趣如此此亦何足多  
伊余

別有託趣不在研摩宣尼為君難三字垂金科誠覺其  
趣長躬行勵切磋

招鶴磴口號

放去何須招使迴無過綴景籙園隈羨梁稻者原堪致  
真鶴應知未肯來

題煙月清真樓

淡烟寒月一鉤新相入高樓最可人不藉花姿將葉影  
難形容處見清真

澹閒室

紅芳早謝花綠蔭全辭樹書室則依然是真澹閒處夫  
惟藉資益所以馳思慮將攜皇古書於斯觀太素徒言  
不能行少閒明復去

南苑小獵即事禱詠

百年寺宇事重新

苑中永慕寺元靈宮皆因年久重事  
新葺茲以仲冬月中浣落成躬詣瞻

禮道便小  
試行圍

卜吉落成展禮親小獵却緣來宿便漫同冬

狩擬時巡

木蘭迴後射何曾馬上金弓

御用弓以金  
桃皮飾之

勉始勝却覺

屈支失調習可應警語忘

去聲

枚乘

今來不是少年身擇地徐馳諫獵循雙兔中連猶覺愧  
何當奇事賦文人

題裕性軒

裕性昔軒墀每來愛憩遲庭無新卉植架有舊書披  
理惟格物踐行在克私樂羣斯敬業慕憶少年時

澹思書屋

量地得齋小非希安膝容圖暄依牖朗避冷下簾重董  
遇三餘樂東方一帙逢澹人思慮者宜寂是清冬

陶春室

小春方過新春遠代謝誰能問大撓一室漫言無長  
物幾多生意箇中陶

去聲

永慕寺

永慕建

康熙

是寺

皇祖所建蓋祝  
太皇太后故也



孝莊虔祝釐遙年重煥若此日落成之佛豈故新繫寺  
資脩葺為無須稱大舜

家法仰昭垂

舊衙門行宮小憩

幕幄野烟淒朝暎吐尚低傳餐行館近禮謁玉臺溪舊  
詠從新讀目成觸緒題閒庭喬樹古付與擇禽棲

陰榆書屋口號

書屋重來已隔年坐傾杯茗又鳴鞭忽忽似此渾無暇

安得優游讀舊編

謁元靈宮即事

百年

天宇煥今朝

宮自順治十四年  
建建今蓋百年矣

慶落涓辰對

赫昭浮柱神扶俯寥廓洪階躬陟仰  
峒堯穆然匪冀喬  
仝遇顯若惟祈風雨調古柏蒙籠護  
懸圃微颺疑奏九  
靈簫

題錢選雪梅集禽圖

何須名辨百禽經，高下梅梢夢半醒。  
各各冰心蘊芳意，可知繪者善形容。

臨協辦大學士尚書武毅謀勇公兆惠第酌酒

重坎昔已濟百年，今忽消大星落昨夜。  
密席尚前朝，前日

養心殿軍機大臣等同進朕謂宜就第攝養昨日兩  
命御前侍衛挾醫往視稱小差今早亟問則報逝矣  
一

痛嗟何及千勞憶，匪遙恨無執手訣。  
城闕鎖深宵

伊犁大熟三疊杜甫送高三十五書記詩韻

昨聞二麥熟額慶

惠我師穀黍其如何尤殷牽念為即今建仲冬始接郵  
遞飛董率既有方屯田况健兒地厚富水泉豐收其奚  
辭厄魯懷我澤哈薩畏我威極邊成樂土

天恩人盡知感

恩猶切知怵惕慎威儀回憶舉事時督責揚軍麾窮荒  
竟成用獲匪所敢思城成戶漸徙已非草創時

伊犁自  
固爾扎

烏哈爾里克等處次第築城竣事屯政日開官兵回人  
暨腹地遷居戶口聚落殷盛歲穫迭增至本年倍稔自  
二十分至二十二分已上計常給廩秋獵山之原春耕  
糈外贏羨陳陳相因聞報彌深感慶

水之涯家室俾團聚誰知離析悲一二竄逐者自取罰  
應隨然豈終投荒稍遲當令歸紀實並誌懷斐然用成  
詩

冬至

南郊禮成述事

運斗瑤樞北中繩見

天心日肇

裡應式儀洞屬升三獻調律和諧引八能綏屢同民沐

乾賦

今年各省多獲有收直隸數年來所未有感荷

殊施彌增忻悚捧盈切

已凜冰兢

五朝左右膺多福敢不

鴻禧疊繼承

雪

十二月  
初六日

入冬雖盼六花舒又慮無厭蜀望予

今歲秋成倍稔入冬雖望雪然自知

求全太過且地氣含潤冬至亦遲故不至迫切窘待今得此瑞澤尚在臘日前欣承之下益生全美之懼耳

甘澤那辭預霑也碩苗真是莫知如灑空猶在一陽節

臘月十四小寒  
方為十二月節

積地已將三寸餘穀稔復斯欣卜麥怵

思美善若何居

新論知盛滿之難  
持每居德而謙沖

### 臘日悅心殿侍

皇太后膳疊去歲詩韻

高低四寸雪鋪平萬歲慈光映座晴

瓊華島元時  
為萬歲山

一例

臘前霑愷澤

去歲臘前一日得雪  
今歲臘前二日得雪

千林培後毓和榮

每逢

雪後令步軍收培樹根既不虛瑞澤  
亦因以行賞邇年以來率成例矣

皚皚玉巘畫中列

輾輾冰泚鏡裏行今日

慈心真是悅

壽籌添擬海山盈

雪

臘月廿三日

昨朝入夜撒晶鹽  
京兆欣稱二寸霑  
曉起濃陰仍冀霈  
春前膏澤敢推廉  
花生雞樹不論朶  
玉積鴛樓欲隱檐  
錫福小除真大瑞  
對時慶畏一心兼

甲申除夕


金鑪寒已送玉琯  
斗將迴今夕甲申  
盡明朝乙酉來登



倉歲誠稔鋪閣雪猶皚處上聲順易生豫吾惟懋敬哉



御製詩三集卷四十二



總校官庶吉士 臣侍 朝

校對官編修 臣周厚輅

膳錄監生 臣陳廷瑜